


Film


4.° H. Ref.

49.

Antwoord.

--





H. def. 49

Antwort auff Luthers

**Sendtbrieff / geschribenn gen
Augsburg / an den Cardi=
nal / Erzbischoffen zu
Wentz Chur=
fürsten ꝛc.**

P. A. C.

M. D. XXX.



Dem Erwürdigen in Gott Vater vñ

Herrn Herz Conrad von Gottes gnaden Abt zu Caysers
haym 1c. meinem gnedigen Herren Gnad vñnd
frid in Christo vnserm **HERREN.**

Erwürdiger in Gott vatter Gnediger Herz / mir ist inn
diesen tagen von **L. G.** besondern gute freund ain bück
lin zugeschiekt / in welchem auff des Luthers Epistel / die er
hieher an mein gnedigsten Herrn / Cardinal vñ Erzbischoff
von Metz Churfürsten 1c. geschriben hat / geantwortt ist /
weyl dann die giftige Epistel hieher kommen ist / darinn er
den andern psalm wider Kay. May. vñ andie Christliche
König vñ Fürsten deutet vñnd auslegt / darneben auch
Bäpstliche hayligkayt vñ die hochlöblichen Crönung **K.**
M. mit giftigen stichworten verletzt vñ mit aufstürische
worten sagt / Teutsch land sey verratten vñ verkauft / wil
mich für gut / billich vñnd not ansehen / das auch die antwort
so auß freym Christlichen vñ vnerschrocknen gemüt vñ
gewissen herfließt / ann tag zu geben / vñnd wider das gift
ain ergney den forchesamen züßeraytten / Da mit nicht das
arm gemayn Christlich vöcklein / durch Luthers hochrümi
ge hochende wort erschreckt / in seinem alten waren glauben
gärgert oð geschwecht werd / Ist derhalben mein dienst
lich bitt / **L. G.** wölle solch sorg vñnd fleiß gnediglich im bes
ten von mir vermercken vñnd annemē. Geben zu Augspurg
am 6. tag Septembris im 1530. Jar.

L. G.

williger diener Jos
hann. Cocleus D.

Nun Schad oder verderblichkeit des gemainen nutz
fürfelt/gebürt jedem nach seinem vermögen dar
wider zu steen/vnd den selben schaden abzuhewen
den. Wa jetzt würdt gemayner nutz ^{Gemayner} ^{schad.} Republica der
Christlichen kirchen/ auffso höchste vnd ferlichste durch Lu
therische irrsal vnd kezereyen angefochten/vnd mit der eif
fersten ferligkeit des vnglaubens befestiget/der wegen in di
sem fall/ mir als wol als den grossenn Theologen gebüren
will/das mein zu thän.

Der Samaritan/so den verwundten dem stallknecht bes
salch/sagt/hab fleyß bey jm/wart sein/ sprach nicht/ mache
in gesund. So forbert Got von vns vnsern möglichen fleyß/
in allen ampten vnd pflichten/ das werck überkome sein en
de wie got wöll. Vñ daruß ob ich gleich nicht nutz schaff/ob
Bezeüge ich aber mein eyffer/da vñ David redt/ vñ üße mein
pflicht/vñ dz ist mir bey got vdiensflich. Der ain Moß wes
schet/ob der Moß nicht weyß wirt/ist dannocht der Bader
seines lons würdig. Also wil got jedt geßte nach seiner arbeit/
wie David/Christus vnd Paulus sprechen. Dem Luther ist
nicht gnüg/ das er in den acker des herre/gemayne kirchen/
gesäet hat(wie Christus klagt)das vnkraut vñ disteln/aller
alten vnd vor langest verdampften kezereyen/ Sonnder ar
beit nun auffso fleyßigste den gegenwertigen Reichstag zu
Augspurg zu nicht machen oder zu verirren/ damit sein vn
kraut ja nicht möchte außgerott werden/ hat der wege zwir
hinauß geschriben. Ain mal in gemayn an die geyselichen zu
Augspurg/das Datum auß Wittenberg. Zum andern/ ann
den Cardinal/Erzbischoff zu Mentz Churfürst re. das Da
tum Exeremo/vnd ist die geschriffte so vngestalt (nach ver
irretem hyrn/darauff sie geflossen)das man nicht wayßt/ob
es ist gehawen oder gestochen/ gesoten oder gebriaten/ Jert
flehet er vnd bittet/yerzt diß wet er vnd schilt/yerzt blasphem
mirt vnd leßtert/ vnd vermischet vil welches zu aufffür vn d
zwyßpalt dienet/das klar vnd hell ist was geyst in treybet.

Luther meldet/sein leere möge mit frölichem gemüt sage

mit Christo / hab ich übel geredt gib zeigkennere. Wer die
warhait thut der kompt auß liecht. Es ist war / volget aber
nicht / alles was auß liecht kompt / ist die warhait. Arrij keze
rey / vñ aller andern / ist auß liecht kommen / aber nicht die war
hait gewesen / derhalben vom liecht verzert / vnd zu nicht ge
macht / dann auß liecht kommen / eigentlich zu redē / ist nicht
anders / dan am liecht besteen / vnd vom liecht bewert werde /
darumb vnd oblygen / irrsall / kezerereyen / auß liecht komme
(wie dann nichts so heimlich ist / es wirt offenbar / Luc. 8.)
so besteen sie aber am liecht nicht / sonder werden vom liecht
gestraffet vnd getadelt / also wurd Lutherus leere auch ge
schehen / es sey auff dyß / oder ain ander mal. Arrij kezerer we
ret lang / vnd stiftet vil jamers / ist doch entlichen (nach ver
heysung Christi das die porten der hellischen nicht vermö
gen wider die kirchen) zu boden gefallen.

Mat. 16
Luth. prey
set sich selb
ber

Es hülfet Luther nicht / wie lang er schreyet vñnd fordert
verlegung seines irrthums / vñ bochet sein leere sey gerecht /
möge nicht getadelt werde. Jegkliche höffen lobet ire byrn.
Welcher kezer hat sein leere nicht gepreysset / vñnd für göt
lich außgeschreyet. So wene ich auch Lutherus lere sey offent
lich genug getadelt vnd überweyset / dann man über fünff
hundert irrische artickel / allain in seinem neuen testament /
on ander irrsal so er hin vnd wider in seinem schreyben vñnd
predigen gesät / durch den achtbarn würdigen inn Gott seli
gen Licentiaten Emserum an tag geben. Auch ist sein leere
von der vniuersitet zu Paris / zu Cöln / zu Löuan ic. Auch
von Kay. May. selbs vñ vom höchsten / über solliche sache / ge
richtstul zu Rom getadelt / vñnd als kezerisch verworffen.
Darüß ist sich Luther fälschlich rhümen seyner vngetadel
ten leere / vnd zu aynem vnnutzen schurz / weytter verlegung
fordern. Lutherus leere ist so offentlich beweyset / wider Got
vnd seyn gespons die kirchen seyn / das weytter Disputation
oder verlegug wider in gebrauch ist ains schwachen glan
bens. Luther sticket vñnd pletzet zu samen (wie das Kay
serlich Mayestet im Edict zu Worms meldet) alle alte ver

Luth. leer
langen ver
dampft

dampfte Ketzereyen / darumb sich mit Luther weyter mit di-
 sputiern einzulegen anders nichts ist / dann ain retractatio/
 widerruff oder straff der alten concilien / wanczel im glau-
 ben / verleuckung des heyligen geysts / so nach Christi ver-
 hayssung in der kirchen ist biß anß ende der welt / Johan. 14
 Aber man sage / singe / oder schreyß was man wölle / so bley-
 bet Luther (nach der ketter art) vnüberwintlich. Sant Au-
 gustinus / vergleicht den ketter ainem nassen wässerigen
 holze / welches so man anß feuer leget / gibet es kaynen lho /
 sonder ehe rauch vnd dunst / vnd leschet oft das feuer auß /
 Also disputire man mitt dem ketter wie lanng man will / so
 gibet er doch kaynen lho der warhayt / sonder mer seyffert er
 vnd treüffet wie ain naß holz / gibet den dunst vnnnd rauch
 des irrsals / verleschet oft in den schwachen / das feuer der
 liebe vnd warhait / davon Christus redt Luce. 12. vnnnd Jo-
 hanis. 12.

Gleichnuß
der ketter

Irren ist nicht ketterisch / sonder irrsal nit wöllen lassen /
 das ist ketterisch / dann wie Sant Augustinus sagt / irrsal in
 der vernunft oder verstendnus allain ist vnnvolkommen / das
 wesen / rechte gestalt vnd vollkommenhait des irrsals vnnnd
 ketzereyen / stehet im willen / so man den empfangen irrsal
 will halten vnd nicht lassen / wie Paulus von ketzern sagt.
 Daher kompt das sprichwort. Es ist menschlich das man sün-
 dige vnd irre. Es ist aber teuflisch in sünden vn irthuß ver-
 harren / vnnnd nicht danon wöllen lassen. Der teuffel
 ist auch sters mit Gott disputiren / will aber nicht übers-
 wunden seynn / sonnder schreyet allezeyt / Gott thue im ge-
 walt / habe jnn vnrechtlich verdammet / darumb laynet er
 sich auff in hochffart gegen Gott / Wie der Prophet saget /
 Superbia eorum qui te oderunt ascendit semper, Le stert vnd schendet
 Gott vnd befleyßet sich alle creaturen von Gottes eere vnd
 dienst züziehen / also bleibt Luther allzeyt gerecht. Vnnnd ob
 auch die gang gemaine kirche mit jm disputirt / dan er offen-
 barlich bekennet inn seinen schufften / Er wölle seyner leere

was in ke-
tzerey

Tim. 3

Des Teu-
fels dispu-
tirn

psal. 73

Luthers
hoffart

1 Cor. 12.

Gala. 2

Pro. 3.

Auslegung
der Schrift
Actu. 8.

Roma. 10.

Der Christ
lichen kir-
chen geist.

Kainenrichter leyden/weber Doctores noch Concilien/ noch
Kirche/ ja auch nicht den Engel so er von hymel keme/ Was
vnähnlicher oder vngleycher das des Teufels hochfart? Pau-
lus hatte sein Euangelion im dritten hymel gestudiret (wie
er befehlt) dennoch zog er hinauff gen Jerusale/ vñ hült/ dz
entgegen den Aposteln/ auff dz er nit vñß sonst hette gear-
bayt od arbayete/ vñ nam erkantnus seiner lere an/ empfing
dē segē/ dz er mochte frey predigē/ wie geschribē steet. Luther
wil kein erkantnuß leiden/ begert keine segē/ oder gebung d
rechten / sond sich allain auff sein aygē hyrn steurende (wid
die schriffte) welches er zu heyligē geyst machet/ bläset er sich
auff in hoffart/ schendet nit allain die glidmasse vñ haupt
der kirchen/ sonder auch die gemayne kirchen selbst/ im bñch
lin an Bischoff von Meyssen schilt Luther die kirch ain erz-
hären/ in welcher die Nickels Bischoff regieren 2c. Will al-
lain die schriffte zu ainē richter habē. Wie kan in aber d stūme
bñchstaß vnderweyßen oder leren? Eunuchus Candacis Re-
gine sagt offentlich zu Philippo. Es were im vnmüglich die
schriffte zu versteen on ainen ausleger / bath derwegen Phi-
lippum/ Er wolte zu im auff den wagen steigen vñ Inter-
pretiern oder außlegen den Propheten 2c. Vñ Paulus sagt
zu den Römern/ wie werden sie das wort des glaubens hörē
on prediger? oder wie predigen sie/ sie werden dan gesandē
Nun Luther will keinen gesandten auffnehmen/ ob es auch
ain Engel vom himel were/ so dan in der stumme bñchstaße
nicht straffen noch vnderweyßen kan/ wie gehört/ der gestalt
entschlupft Luther allen gericht / sich allain auff sein aygē
hyrn steurende/ das selbige ist sein heyliger geyst. Ohoffart
hüß hoffart / Luther zayge ain Elaine Congregation oder
samlung an/ ja nun ain mensche/ der alle articke/ so er heüte
fürtreget vñ leret/ gehalten vñ glaubt hab/ er mag aber
nicht thūn.

Das Euangelium/ welches den heyligen geyst verheysset
der kirchen/ biß inns end der welt. Johan. 14. were falsch/ so
die warhait jezo erst durch Luthern herfür kemme/ dann

der heylige geyst ist nicht om̄ warhait. Ist aber die war-
hait der kirchen verbor̄gen gewesen biß auff Luther / so ist
der heylig geyst inn der kirchen nicht gewesen (wie Christus
hat verhayssen) oder ist vnwarhait darinne gewesen/wel-
liches ain gotslesterung ist zu sagen/Darumb Luthers leere
nichts anders dann ain lesterung gots ist vñ gedicht seins
kopffs. Ja mer des/dain K̄nig ist über alle kinder der hof-
fart(wie gschribē steet) d̄ treybt dē Luther/der über in/nach Job 41.
seine gefallē/des trösts sich Luther/auff dē verlast er sich/
mit dem dröwet er / vñnd will alle welt erschrocken vñnd
bochen. Was will das annderst/das Luther im büchlin
yero ann die geystlichen zu Augspurg zu inen spricht. M̄n-
gers geyst lebe noch/so er sich nicht seines bestands stercket/
was vñd warumb/wolt er h̄ye mit in dröwen / wir seynnd
aber nichts erschrocken.Christus die warhayt hat vns ver-
heysen vñnd zūgesagt / die pforten der hellischen werden
nicht vermögen wider die kirchen / auff dem felsen rüwen
wir vñd seind sicher.

Diintzern
geyst.

Mat. 16.

¶ Wir haben genūgsam gezeügnus vñnsers glaubens / aber
Luther/hat seyner leere gar kaynen gezeügnen wie yetz ge-
meldet/Bey vns vñd mit vns seind alle heylige vätter vñnd
lerer der kirchē/Augustinus/Ambrosius/Hieronymus/Gre-
gorius/Bernhardus/Beda/Leo/Sulgentius/vñd ander vil
mer reichtiger vñ martterer / welche die kirch vor tausent ja-
ren hat glaubwürdig geacht / geert vñd gewürdiget als in-
strument vñd gefeß des heyligen geysts.

Bewerig
ñnsers ge-
laubens.

Ich geschweyge/des gezeügnus/d̄ heyligē martterer reich-
tiger/welche grosse herrigkeit pein vñ martter geliten haben
vñns glaubens willen. Vñser glaub in vilen k̄gereien vñd
schwerē verfolgūgē b̄standē ist / mer bewert dan̄ dz gold im
felfir/wie gschribē steet. Darūb ist nit/dz wir vns forchtē / ob
gleych dz schiff lin Petri ain zeytlāg wanckē möchte/ vñ vñs
den vñdē ob wällē hin vñd herwider getriben werde. Aber
warlich dem Luther gebrechē expens/kost vñ zernung/getra-
wet mit sein fūrgenome werck zu volende/darumb brauchet

Eccel 31
Mat. 3.

Lu. 14.

er gedichter demüte/vnd bitt das/das widertayl wolt frybe
halten/vnd sie nicht verfolgen. So in dem Luther ain wes
nig gesunder vernunfft were/solt er ja selbst erkennen wie
lügenhafftig der gayst sey/ der in treybe. Vor 12. jaren/sa
get Luther inn seines Ordens Closter zu Grymme / mit der
faust auff den sessel schlagende/ Ich wil auff dem stül si
zen/vnd den Papsst auß Rhoma treyben/vnd eh zway iar
vfließen/sol kein kappe noch blate sein/singē/lewte vñ be
te in d kirchē soll alles abgethan sein 2c. Es seind nun xij. jar
verflossen/Luther ist zu ainem lugner geworden/dann es
seynd noch heit des tags kappen vnd blatten/inn kirchē ist
man noch singen vnd klingen/origelschlagen 2c. Also hat der
lügengayst den Luther bey der nasen vmbgeführt/wirbt in
noch weytter vmbführen.

Sum glau
den swin
gen.

Nex treybt der gayst den Luther das er nun bittennde su
chet/das man solle yetlichst ayl machen lassen wie es will.
Nyemandes soll zum glauben gezwungen werden. Es ist
war/man sol nyemandes zwingen zum glauben/so er in nit
gehaßt hat. Wellicher aber den glauben troglich von sich
würfft/ainen neuen irthumb stiftet/ba mit er die aynig
kayt der kirchen zerreyßet vnd zertrennet/vnd die menschen
von Got abwende/den mag man/ja sol man zwingen/das
zeuget Alt vnd New Testament. Deut. 13. So in deinem mit
tel auffsteet ain Prophet/der sich rümet des gesichtes oder
offenbarung/vnd dich von Gott weyset auff wege/welche
du nicht wayßt oder gelernt hast/der Prophet oder dichter
seines gesichtes sol sterben 2c. Luc. 9. Nyemand/der sein han
de an pflug leget vnd zu rugt sihet/ist geschickt zum Reich
der hymel/Alhie zwinget Christus bey verlust der seligkeit
zu bestennidigkayt des glaubens. Vnd Paulus hat Hyme
neum vnd Alexandrum dem teufel übergeben vmbß gela
bens willen. Also hat die kirch auch macht zu dem abgeleg
ten glauben zu zwingē/ob vileycht veration vnd gezwang
wie Isaias sagt) verstand gebe von angenommē irthumb
zu lassen.

1 Tim. 1.

Isa. 18

Me:

Mehr: Begert Luther/man solle auff beyden taylorn still-
 steen/vnd sie nicht weyter verfolgen/ diß laß ich den Apo-
 stel Paulum verantwoiten/ der zu den Corinthiern spricht.
 Was gmeinschafft hat die gerechtigkeit mit der ungerech-
 tigkeit? Was gesellschaft hat das licht mit der finstern-
 niß? Wie kompt Christus über ainß mit Belial? Oder was
 taylor ist dem glaubigen mit dem vnglaubigen/ oder was ain
 heiligtayt ist dem Tempel Gottes mit den Abgöttern? Je-
 seyt der tempel des lebendigen Gottes 2c. vnd aber ains zu
 den Corinthern/ Wisset jr nicht/ das ain wenig sawrtaygs
 den ganzen taysg verseufft/thut das böse hinwegt auß euch
 selber. Vnnd am 18. cap. des dritten büchs der König sprach
 Helias zu dem Israhelischen volck/ das (wie yetz wir Teu-
 schen) zerspalten vnd in zway tail zertrennet was/ Wie lan-
 ge hindert jr in zway taylor/ Ist der herr Gott so volget jm/
 Ist Baal gott/ so volget dem selben. Vnd ich sage/ Ist Lu-
 thers leer gerecht/ warumß nemen wir sie nicht an? Ist vn-
 ser leer gerecht/ warumß behalten wir die nicht bestennidig
 lich? Christus ist (salua reuerentia) kein härentreyßer. Er hatt
 nicht zway weyßer/ wie er selbs zeugt/ Can. 6. Aine ist mein
 tauße/ mein volkomne 2c. Vnnd im Glauben bekennen wir/
 ain hayslige gemayne Apostolische Kirchenn/ nicht zwü
 Kirchen.

Auff bay-
 de taylor still-
 steen

2 Cor. 6

1. Cor. 5

Allhie gebe man aber ains achtung auff die natur vnd ay-
 genschafft des gaysts/ so den Luther treybt. Der geyst Chri-
 sti/ so die Kirch regiert/ ist ain geyst der ainigtayt/ vñ seyn
 stadt/ sein wohnung in frid/ Psal. 5. Aber Luthers geyst/ 8
 ist ain geyst der zertrennung/ vnd zwyspaltigtayt/ die hat
 er gesucht/ die hat er gewirckt/ die begert er zu behaltenn/
 oder brawet ainen berg auff den andern zu setzen/ vil ja-
 mers vnd not zu stifften/ wie zuuor/ im auffrur der bawren
 beschehenn/ Darumß spricht Luther Münzers geyst lebe
 noch. Vnnd yetz exponiert vnd außlegt er den psalm Quare
 fremuerunt gentes. auff gegenwertigen Reichstag. Waisst aber
 leydelicher zäuerachten/ dann es Luther reden kan/ Alle te

Luthers
 geyst
 1. Cor. 14

Der rade
Samalielis

Jobi. 5.

Luth. leer
in nicht er
kante war
haye

Rechter &
kannst der
schafft bey
der kirche

her habē jr leer für götlich anfferufft / jren widerstand ver
lästert vnd verdambt. Sonnder der Rade Samalielis / so
Luther zu schutz vnd freiem gang seiner leer herfür zeucht /
ist mehr wider Lutthern / dann für jnn / Samaliel redett
auß eingebung des heyligen geysts / vnnnd von der leere des
ren Aposteln / anß welcher zall er nit was / Luther aber re
det auß seynem geyst vnd von seynen aygen leere. Darumb
ist seynn gezeugnuß falsch / als seyn aygen / vonn jm selbs /
wie Christus spricht. Auch Luther zuvor inn der Postyl an
Sanct Katherinen tag gesagt. Seyn Euangelium dürffte
Kaynes schutz / es schütze sich selbs / Warumb suchet er nun
hülff vnd fürderung der menschen / sol Samalielis rade hie
gelten / wie bey derzeit der Aposteln / warumb helet sich dann
Luther nicht der Apostolischen weysß? Die Aposteln ha
ben nye gebereten / das man sie solt vnueruolget lassen / vn̄ irer
leere Kaynen widerstande thūn / als Luther allhye thut / son
der haben sich gefr̄wet das sie würdig seynd gewesen vmb
des namen Christi zu leyden. Luther sagt / Es sey ain sünnde
in heyligen geyst / die erkante warhayt anfechten. Ja es ist
war / was ist es dann mer. Darumb sollen wir Luthers leer
frey geen lassen? Ich sage nayn / Luthers leere ist nicht die
erkante warhayt. War durch ist bewert das Luthers leere
die erkante warhayt sey / darumb das es Luther selbs sagt /
oder darumb / das Luther die schrifft denet / zwynget vnnnd
radbrechet nach seinem dunckel vnd wohn? Solcher vrsach
en / were aller ketzere leere / erkante warhayt gewesen / dann sie
alle / vnd ain jeglicher / sein leere für gotes wort außschreien
vnd die heilige schrifft mit den haren ziehen / wie Augu. sagt
Sie haben auß dem Euangelio genomen / damit sie wider
das Euangelium gekriegt haben / So mißbraucher Luther
die schrifft / vnd zeucht sie gewaltdigklich von dem rechten ver
stand / belüget vnd leget sie auß nach seinem gefallē zu schutz
seiner jrsal vnd ketzereyen. Den rechten verstand der schrifft
solte du nirgent suchen / dann bey gemayner kirchen / die kirch
hat den geyst ihres b̄reutigams Christi. Johan. 14. Kaynen be

sundern menschen hat Christus seynen geyst verheissen / wie
 wol ir vil in gehabt habē / so ist aber kainen von Christo of-
 fentlich verheissen / als der kirchē / darumb alle / so die kirchē
 nit hören / sollendir sein als haide / Vnd welcher die schrifft Mat. 23
 anderweyse auflegt dann die kirch thut / der ist ain dieb vnd
 mörder. Er kompt das er will stelen / rauben / tödten vnd
 schlachten / Er geet nicht durch die thür / sonder bricht vnd
 steyget auff der seyen hureyn / Johannis. 10. Ihe sagt Lu-
 ther von der sünnde in den heyligen geyst / zñuo: hat er ge-
 schriben vnd geleeret / es sey kaim sünnde / dann der vnges-
 lauß. Allain der glaub mache selig / vnd kaim sünd verdam-
 me / dann der vnglaub / was meldet er dann jetzt / besonnder
 sünde inn heyligen geyst. Darynn er warlich selbs am aller
 maysten schuldig ist / wie alle erzklerer nach seiner aygen be-
 kantnus in seynen schriften wider Zwinglium 2c. Jetzt will
 Luther durch sein betten / straff vnd gnad zñfügen / zñuo:
 hat er das gebett mit allen andern gütten wercken vernich-
 tet hinwegt geworffen / vnd da hin gebracht / das daß grösste
 rayl der menschen seiner secten / das gebet gannz vergessen
 haben (wie seine Viscratozen Bezeugen)

Luther wil
 der sich
 selbs.

Luther sagt forch / der Cardinal / Erzbischoff zñ mentz 2c.
 hette nicht ain geringen Goetzdienst gethon / so er seyn lee-
 re zñm freyen gang fürderte / dan solche leer schad nicht / hal-
 te frid / lasse die Bischoff bleiben was sie seind / bittet dz man
 inen alles lasse / vnd nichts neme / Ja sie helffe warlich alle
 Bischoff erhalten 2c. Dz widerspil aber diser artickeln / ist ge-
 rad war / vnd zñ vil offentlich am tag / hat vor die Bischoff
 ölgeren vnd safnacht büge gelestert / hie thut er sie fast eere
 vnd schätzen. Ach der stinckenden vnbeschempten lügen / vñ
 des lamm fuchßschwanges / er sagt sein leere schad nicht / aber
 die erfahrung in der Bauren auffrühr weiset anderst / dises vn-
 geschickte lügenhafftige büchle ist nit würdig ainer antwort /
 sonder vns der ainseitigen vnuerstendigen / welche betrogē /
 lügen für die warhait annemen vñ finsternus für liecht hal-
 ten / hab ich diseylend wollen zñ antwort gebe / von den ver-

Ain greyfo-
 liche lügen
 des Luth.

stendigen aber/vnd so das schwert tragen/ vnd gewalt im
der kirchen haben/ habe ich mich vast vnd vil verwunderet
vnd noch/das man diesem menschen so lang hat zugeesehen/
vnd über die manigfaltige öffentliche irrsal/durch welliche
die kirch zerrennet/auch der stinckenden lästungen/ so
Päpsten/Kaysern/Königen/Fürsten vñ Herren in gemein
vnd sunderhayt zugefügt/hat künden bilden.

Luthers
Lebensw.

Die Römische kirchen schilt Luther ain Rote Babylonis
sche hüren / den Papst ainenn Antichrist / ainu Florenze
frucht ic. Den Kayser ain madensack / wellichen / ain gründ
ins bett würfft. Fürsten schilt Luther narren / Tyrannen/
maulaffen. Die Bischoff oligozen vnd fastnacht buzen. Die
prieſter / münch vnd nonnen / tempelknecht / gleychfner / vn
erregliche Bürde der erden ic.

Ich wayßt nicht / ob die wellt ye des menschen geleychem
getragen habe.

Sünd der
welt

Es ist aber dises thuns (als vil man sich anß der schuffe
berichten mag) kein andre ursach / dann die sünde der welt/
überfluß irer bößhayt verdienet irsal vnd ergernusse / Chris
sto zu zengen Math. 18. Es ist not das ergernusse kommen.
Es ist not / nicht schlechtlich on zusatz zu vernemen / dz es ja
nicht annnders sein künde / sonder ist not / gleych ob ich ainen
sehe geschwind vnd ferz lauffen / vnd sprechen. Es ist not / das
der müd werde. Also hat die welt manigfaltiger bößhayt /
vngerechtigkayt halben / von nöten irsal vnd ergernusse.
Weh aber dem menschen / durch welchē ergernus geschicht.
Also straffe got sünd mit sünden / vñ seind die volgende sün
den it allain sünde / sonder auch peenen vñ straff der begang
nen sünden / wie der Apostel zün Römern am ersten capitel
sagt / von den heyden ic. vñnd Ero. am 4. cap. lesen wir / das
Gott hat verhärtet das hertz Pharaonis / das ist / Gott hat
vns vorbegangne sünd Pharaoni enzogen sein gnad / so ist
Pharao gefallen in verhärtung vnd verstockung seines her
zens. Darumb ist es wie Petrus sagt / erschrecklich zu fallenn
in die hend des lebendigen Gottes / vnd der Prophet Jere.

mias. Wisse vnd sihe/wie böß vnd bitter ist es/das du (ver-
 nymß durch müßwillige bößhayt vnd wolbedachte sünde)
 hast verlassen Gott deinen Herren. Von bößhayt der welt
 darffs kainodispulierens/man hört es täglich auß jedes kla-
 gen wie es yetz zügeet. Darumb glaub ich vnd bekenne frey/
 das der Lutherische irsal vnnnd kezerey/ ain straff vñ peyn
 sey/der sünden der welt(wie gesagt) vnnnd gegen welchem
 der Herr verzühret ist/der würt in dise kezerey fallenn/wer
 aber Gott begehlich ist/der würt entwischē Ecclesiastici >
 Die welt nahet irem ende vnd beuget sich züm nydergang/
 vnd nympt täglich in Göttlicher forcht vnnnd liebe ab(wie
 ain alt mensch von seinen krefftē) vnd manigfaltigen sich
 laster vnd sünde/wie böse humores vnd feychtigkayten inn
 ainem verlebten menschen/Als Christus sagt/vom end der
 welt redende Math. am 24. Bößhayt würt überflüssig
 seyn/vnd die liebe viler menschen würt erkalten. Vnd dar-
 umb als wenig sich züuersehen ist/der vernewung oder ver-
 iüngung aines alten menschen/so wenig / vnnnd weniger ist
 zü glauben/das yetz am end der welt/ain verenderung/ver-
 newung oder besserung des alten glaubens geschehen oder
 bestendtglich auffgericht werde. Dann die Christlich war-
 hayt ist all herfür kommen/vnd durch die Aposteln/vnd ire
 nachuolger klar vnd hel gepredigt/vnnnd biß auff vnns ge-
 bracht/wie Christus sagt/ Was ir habt gehört insohr/ das
 prediget auffdem dach Math. 10. Vnd ist nichts verborgen
 blyßen/oder behalten biß auff Luthers zeyt/ derwegen hat
 vns Christus nygend ermanet achtung zü geben auff die ne-
 wen Ecclesiasten/Euangelischen/Propheten/die dz Euang-
 gelium wurden vnder der band herfür zyehe / deren ainē
 sich Luther hochferttglich vnd selschlich rümet/ Sonnder
 hat vns gewarnet/vor den falschen Propheten/darfür hal-
 ten wir Luthern. Darumb so sag ich/vnd bekenn frey/ob es
 Gott verhengte/ das gegenwertiger Reichstag Luthers
 leere anneme/ vnd für billich vnd recht außsprüßte/ So beu-
 gete ich vñ wendete mich doch darvon/dan ich wayß nicht)

Ursache
 des Luth-
 irsals

Rain beste-
 rer glaub
 dann 5 alt

Math. 71
 vnd 24

noch getrawe in andern glauben selig zu werden/weder al
lein in dem/so ich in der kirchen gelernt vnd auß den bristen
meiner mütter gezogen hab.

Wamb. der
bedigē ves
ter,

Mit leben noch die heyligen vätter/Augustinus/Ambros
sius/Hieronymus/Gregorius/Bernhardus/Beda/Fulgens
tius/Leo/vnd ander d̄ gleichen/zū disen halte ich mich/mit
irer leere stymme ich/in irem glauben stirbe ich. Luther sagt
sie haben als menschen geirret/gestrauchelt/ich will lieber
mit genanten vättern vn̄ iren gleichen irren vnd straucheln/
wie die Lucherischen von jnen reden/dann mit Luthern ge
rade geen/oder sein leere bekennen / Ich halt ja Luther sey
auch kein Got/sonder mer des widerchuffs warer vorpott.

Got gebe vnn̄ verleyhe seyn gnade/vnd sende seynen
heyligen geyst/ins mittel dises gemaynen rades/
des heyligen Reichs auff das nach seinem
göselichen willen/alle sache geen
der werden/An. 1530.

